

ديوان

بحبك يا أمي

الشاعر الصحفي

نصر سليمان



مكتبة جزيرة الورد

بطاقة فهرسة

حقوق الطبع محفوظة

مكتبة جزيرة الورد

اسم الكتاب : بحبك يا أمي

المؤلف : نصر سليمان

رقم الايداع ٢٠١٨/١٤٠٨٧

الترقيم الدولي / ٩-٦٧-٠٦٧-٨٣٤-٩٧٧-٩٧٨

الطبعة الأولى ٢٠١٨



مكتبة جزيرة الورد

القاهرة : ميدان حلیم خلف بنك فيصل

ش ٢٦ يوليو من ميدان الأوبرا ت : ٠١٠٠٠٤٠٤٦ - ٢٧٨٧٧٥٧٤

بِسْمِ اللَّهِ الرَّحْمَنِ الرَّحِيمِ

إهداء

.....

**إلى أمي الحبيبة الغالية التي
علمتني مع أبي - رحمة الله عليه - أن
الحياة مجرد رحلة سريعة وأن السعادة
الحقيقية هي في القرب من الله للفوز
برضاه ..**

نصر سليمان

(١)

روحي بتحبك يا ربي

.....

مهها العتمة زادت

روحي شايفة

نور الفجر

ومهها البسمة غابت

قلبي شايف فرحة

ويا الصبر

ومادام الرب راضي

كل شئ بيهون

على قلبي

حبك يارب زادي

روحي بتحبك

ياري

...

(٢)

بحبك يا أمي

.....

بحبك يا أمي

بكل ما فيا

بروح و قلبي

وعينا

ما هو أنت

كل شيء ليا

أنت المحبة

ونور البدر

في الدنيا

...

أمي الحبيبة

أنت القريبة

أنت الحنان

وحضن الامان

مهها شفت

من الزمان

يفضللي

قلبك الدافي

يفضللي

ودك الصافي

ما هو أنت

أغلى شئ ليا

أنت روح قلبي

وعينيا

(٣)

كلام بيشفي الوجع

.....

فيه كلام

بيزيد الوجع

و كلام حلو

بيشفي الوجع

والقلب

شايل همومه

صابر

ولا عمره انخدع

...

(٤)

مش كل فراشة زي الثانية

.....

مش كل فراشة

زي الثانية

شفت فراشة

جميلة بهية

لونها خيالي

خطفت قلبي

قبل عينيا

فتحت ليها

قلبي وكفي

طارت ليا

ضمت روحها

شوية

شوية

حبت روحي

وقالت

مشح فارق

روحك

ثانية

...

(٥)

احنا بشر

.....

يا ناس

احنا بشر

بنضعف لحظة

وممكن ننكسر

بس فينا قوة

بيها نقدر نقوم

وبالارادة نتتصر

بس احنا نرضي

رب البشر

(٦)

امتي حتفوق لنفسك

.....

انت ديبا

مش بترضى

بقسمتك

باصص لغيرك

مختار في لقمتهك

مش حاسس

بحاجات كتيرة

والنعمة أهه خاصمتك

كاره ناس كتيرة

نجحت وسبقتك

امتي حتفوق لنفسك

وتصحح خطوتك

اسعى زي غيرك

وارضى بقسمتك

...

(٧)

روحك يا حبيبي حلوة

.....

روحك يا حبيبي حلوة

بتحس بيا

حتى وانت غايب

عن عينيا

ولما باكون معاك

من غير كلام

بتحس اللي بيا

روحك

روح محبة وحنية

روحك شفافة

جميلة .. رضية

روحك يا حبيبي حلوة

بتملا الدنيا عليا

...

(٨)

الفرحة في عينيكي

.....

بأحب أشوف

الفرحة في عينيكي

وعبير الورد

بيسري حواليك

بحس الدنيا فرحانة

يا حبيتي

بيا وبيكي

ونور الحب

حوالينا

والفرحة

بين ايديكي

...

(٩)

من غير سبب

.....

من غير سبب

القدر هو القدر

واللي حصل

علينا انكتب

ولو رضينا

ربناح يراضينا

والبشرى للي صبر

وعند ربه احتسب

...

(١٠)

انت الأحن من أي حد

.....

أنت الأحن

من أي حد

ياللي خيرك

ماهوش حد

أنت ربي

أنت حسبي

خلي نورك

يملا قلبي

خلي حبك

هو دربي
ده انت ربي
عالم بحالي
ويهداك
ينصلح حالي
انت واحد
ربي أحد
العظيم
فرد و صمد
...

(١١)

في يوم لقاء

.....

بفضلك ورحمتك

حنفـرح

في يوم لقاء

ياربي بـجنتك

مع حبيـك

ومصطفـاك

أنت رب الوجود

جواد .. رحيم

وودود

ورحمتك يا ربي

ماليها أي حدود

...

(١٢)

سلامتك يا غالية

.....

سلامتك يا غالية

فداكي

روحي وعينيا

انت أغلى شئ

في الدنيا

أمي حبيبتي

وكل ما ليا

...

سلامتك أمي

أغلى حبيبة

روحك من قلبي

قريبة

وفي قلبي

حبك يا أمي

نور وخير

وطيبة

...

(١٣)

البدر سعيد

.....

في عيد ميلاده

البدر سعيد

والورد فرحان

في يوم العيد

والقلب أخضر

والفرحة فيه

بتزيد

...

(١٤)

لسة باقي العشرة

.....

لسة باقي العشرة

وذكرى حلوة

من الحكاية

لسة باقي

كلمة

وروح

وقسمة

من البداية

ومهما كان وصار

الحب مش اختيار

عاش معانا

في نبض قلوبنا

وشمس سمانا

...

(١٥)

بنتي شطورة

.....

بنتي شطورة

حلوة وأمورة

فيها الحنية

وشقاوة جنية

بتلعب

بحصان وعروسة

وبتضحك

زي الشموسة

بحب

أشوف ضحكتها

وقلبي سعيد

بفرحتها

...

(١٦)

أصلك يا حبيبي تتحب

.....

أصلك يا حبيبي

تتحب

بخفة روح

وطيبة قلب

وسلامة نية

وصدق الحب

بجد

أنت

يا حبيبي تتحب

...

يا حبيبي

انت الغالي

خليت عمري

يحلالي

خليت الدنيا

جميلة

من بعد رحلة

طويلة

أصلك يا حبيبي

تتحب

بخفة روح

وطيبة قلب

...

(١٧)

احنا بنكمل بعض

.....

احنا بنكمل بعض

زى البدر ويا الارض

زى عبير الروح والورد

زى القلب ويا النبض

أنت حبيبي

نور الود

...

(١٨)

بدر حياتي

.....

بدر الليل

له مواعيد

وبدر حياتي

جماله بيزيد

رقة

وود

جماله فريد

بيملا كياني

بحب سعيد

(١٩)

راجع ليه

.....

راجع ليه

الكلام بتعيده

اللى فات

احنا مش حنعيده

...

اللي راح

راح من زمان

واللي باقي

جراح

ح تطيب

مع النسيان

...

(٢٠)

القلب الكبير

.....

القلب الكبير

يساع الكون

القلب الكبير

ودود وحنون

قلب

زي السما الصافية

قلب

طيب مهما يكون

...

القلب الكبير

قلب أم

حاضن حبايبه

مهما كان الحال

قلب صبور

شايل هم

و بيدي

من غير سؤال

قلب محبة

أبيض

ماتغيروش أحوال

قلب حبيب

قلب صاحب

مايغيروش الهال

...

(٢١)

شايں همك ليه

.....
شايں همك ليه

الدنيا فيها ايه

لا هي دائمة

ولا فيها شئ

تبكي عليه

أعبد ربك

وإخلص عملك

وخلي أملك

ديما فيه

(٢٢)

طول ما انت معايا

.....

طول ما انت معايا

الدنيا بخير

طول ما انت معايا

قلبي زي الطير

فارد جناحه للدنيا

طاير في السما

وعينيا

شايقة الفرحة

هلا عليا

(٢٣)

الحب إيه غير إحساس

.....

الحب إيه

غير إحساس

حنية

تفاهم

إخلاص

الحب إيه

غير مشاعر غالية

في القلب

أحلى غنوة

الحب بيخلىنا

حاجة تانية

الحب أجمل شئ

في الدنيا

...

(٢٤)

لما تروق

.....

آه يا جمالك

لما تروق

الدنيا بتحلى

بأحلى شروق

وإفرح يا قلبي

وغني يا شوق

...

حياتنا ليه

بتضيع في عتاب

والقلب ليه

يعيش في عذاب

الدنيا أحلى

لها تروق

والقلب يفرح

ببسمه شوق

...

(٢٥)

الحلم عمره ما مات

.....

القلب مهما تعب

من كثر الوجع

الحلم عايش

في حضنه

مهما في الدنيا

انخدع

ومهما العمر فات

الحلم عمره ما مات

...

(٢٦)

لما الشوق يناديني

.....

لما الشوق يناديني

قلبي

يدوب في حنيني

روحي تناجي

قلبي يشابي

على مهجة روعي

حبيبي

...

لما حنيني يزيد

وحبيبي لسه بعيد
بأعيش الحلم معاه
والحلم فرح جديد
يتمنى القلب لقاءه
ومعاه القلب سعيد
...

(٢٧)

القريب م القلب

.....

القريب م القلب

جرحه

يزيد وجعك

والبعيد ع القلب

لا تحس بيه

ولا سمعك

واللي جوه القلب

قادر يسعده

ولما يجرح

يصعب عليه

يبعده

...

(٢٨)

بنت جميلة

.....

بنت جميلة

بنت أصيلة

القلب يحبها

ولا باليد

حيلة

...

بنت ... جناين .. بساتين

قلب الفل .. ورد الياسمين

وبدر يلالتي ع الجبين

بنت جميلة

بنت أصيلة

القلب يحبها

ولا باليد

حيلة

...

(٢٩)

من قبل أي حد

.....

من قبل أي حد

القلب فرشلك ورد

وجنانين محبته

ومفيش في الدنيا حد

زيه في نور الود

وعايش فرحته

ده القلب

قلب الورد
والحللم مالوش حد
والحب دنيته
...

(٣٠)

انت بس إيه حتكون

.....

ياللي بتظلم

وسهل تخون

أنت بس

أيه حتكون

إنسان ضعيف

ع الدنيا ضيف

ليه غرورك يغويك

الدنيا ده مش ليك

حتلاقي مصير محتوم

لما يجيلك يوم
لا فيه شفاة
ولا يتأخر ساعة
وساعتها تشوف
كل شيء إنكتب
لا ليك رجوع
ولا ينفعك الذهب
...

(٣١)

يا قلبي اهدا

.....

يا قلبي اهدا

الجرح بكرة

يطيب ويهدا

والدنيا تروق

وكل غروب

وبعده شروق

...

يا قلبي سامح

الكل رايح

ومش حيقى

غير كلمة حلوة

وذكرى حلوة

تعيش وتبقى

والدنيا تروق

وكل غروب

وبعده شروق

...

(٣٢)

الدنيا لحظات بتفوت

.....

الدنيا لحظات

بتفوت

لحظة فرح

لحظة ألم

بتفوت

لا نهار يبقى للابد

ولا ليل

مالحوش حدود

والعمر

في لحظة ينتهي

لحظات

بين الميلاد

والموت

...

(٣٣)

زي نجمة تاهت

.....

زي نجمة تاهت

وسط الغيوم

وطال غيابها

يوم

من بعد يوم

لكن قلبي بيستنى

تروح الغمة والضلمة

وروحى بنورها تتمنى

لو تحضن نور النجمة

(٣٤)

طمني عليك

.....

طمني عليك

يا قلبي

وانت بعيد

ومش جنبي

بخاف عليك

وباحن ديمالك

وقلبي معاك

وروحي هناك

بتحوم حوالمالك

بحب روحك

يا روح قلبي

حب كبير

حب عجيب

حب مصير

حب حبيب

...

(٣٥)

عيش حياتك

.....

عيش حياتك

وانسى

أي شيء فاتك

عيش حياتك

واشفي قلبك

من آهاتك

عيش بقلبك

كل ثانية

في أحلى دنيا

فيها الخير

والحب والمودة

وشمس طالة

وأحلى وردة

...

(٣٦)

كل شيء بيتغير

.....

بالحب

كل شيء بيتغير

لو كنت كبير

أو كنت صغير

بالحب

المحال..

حتطوله الإيد

وبالقلب

عيش دنياك

وحتبقي سعيد

ده الحب

في لحظة بيغير

ومن غيره

حتعيش متحير

...

(٣٧)

راضي بنصيب

.....

راضي بنصيب

يارب

راضي باللي انكتب

للقلب

ومهما الريح تشتد

حأفضل أقول

يارب

ما هو أنت

الملاذ والحمى

وأنت الأحن
على قلبي أنا
والصبر مشواري
ولو طال سنة
ورا سنة
بكرا حيجي نهاري
بكل الخير والهنا
وطول ما القلب
بيدعي
يارب
ح يطيب كل جرح
وضنا
...

(٣٨)

اللي يحب

.....

اللي يحب

بيراعي حبيبه

اللي يحب

ليه بيسييه

اللي يحب

ليه راح يأسى

ليه بيكابر

عمره ما حينسى

...

(٣٩)

بنوتة حلوة

.....

بنوتة حلوة

ضحكتها غنوة

ولما تبكي

الدنيا تبكي

...

بنوتة غالية

ضحكتها عالية

كلها فرحة

بالورد طارحة

شقاوتها حلوة

ضحكتها غنوة

...

(٤٠)

صدقني بحبك أكثر

.....

صدقني بحبك أكثر

حلوة الدنيا ولا تمرر

ومهما يكون

حبك أكبر

وقلبي عمره ما حيتأثر

ما أنت حبيبي

حبك غالي

قلبك غالي

قلبي يحبك

أكثر وأكثر

حلوة الدنيا

ولا تمرر

...

(٤١)

رحمة ونور للعالمين

.....

النبي

ديما رحيم

بالمؤمنين

النبي

ديما

رؤوف بالمسلمين

النبي

رحمة ونور

للعالمين

صلى عليه ربنا

والملائكة أجمعين

صلوا عليه

في كل حين

يا مؤمنين

...

(٤٢)

كل ما أشوف الشمس

.....

كل ما أشوف الشمس

بأحن ليك

كل ما أشوف

البدر

أحن ليك

...

قلبي نوره

بين إيديك

مهيا كان ويكون

قلبي روحه

عاشة ليك

...

(٤٣)

بقلبي بأدعيلك يا ربي

.....

بقلبي

بأدعيلك يا ربي

يسكن نورك

في قلبي

ويصاحب خطوتي

على دربي

وفي يوم الحساب

يكون لينا نصيب

من شفاة

نبينا الحبيب

...

(٤٤)

قلب أمي.. قلب السعد

.....

كل سنة والقلب طيب

يا أطيب قلب

كل سنة وقلبك قريب

من أي حد

قلبك حياتي

يا قلب أمي

يا قلب السعد

...

(٤٥)

اخـلص النية لربك

.....

هو حيققى إيه منك

غير ذكرى حلوة

تحكي عنك

ياريت تخليها

ذكرى حلوة

زي قلبك

وخلي ودك

نور في دربك

واخلص النية

لربك

...

بِحَمْدِ اللَّهِ

صدر للمؤلف

* ديوان (قديري) ... عن دار نشر «جزيرة الورد» لصاحبها ومديرها الأستاذ فتحي هاشم في أول شارع ٦٢ يوليو ناحية مترو الأنفاق بالعتبة بوسط القاهرة .

* ديوان (بحبك يارب) ... وهو بالعامية المصرية

* ديوان (ربي القدوس)

* ديوان (مشاعر عفوية)

* ديوان (قالت تجادلني)

* ديوان (كلامك أحلى من كلامهم) .. بالعامية المصرية

* ديوان (تحرر من احتلالي)

.....

للتواصل : narsoliman2@gmail.com

٠١٠١٢٠٧١٥٨٤

نصر سليمان

الفهرس

- إهداء ٥
- روحي بتحبك ياربي ٧
- بحبك يا أمي ٩
- كلام بيشفي الوجع ١١
- مش كل فراشة زي الثانية ١٢
- إحنا بشر ١٤
- امتى حتفوق لنفسك ١٥
- روحك يا حبيبي حلوة ١٧
- الفرحة في عينيكى ١٩
- من غير سبب ٢١
- أنت الأحن من أي حد ٢٢
- في يوم لقاك ٢٤
- سلامتك يا غالية ٢٦
- البدر سعيد ٢٨
- لسه باقي العشرة ٢٩
- بتى شطورة ٣١

- ٣٣ أصلك يا حبيبي تتحب
- ٣٥ إحنا بنكمل بعض
- ٣٦ بدر حياتي
- ٣٧ راجع ليه
- ٣٩ القلب الكبير
- ٤١ شايل همك ليه
- ٤٢ طول ما أنت معايا
- ٤٣ الحب إيه غير إحساس
- ٤٥ لها تروق
- ٤٧ الحلم عمره ما مات
- ٤٨ لها الشوق يناديني
- ٥٠ القريب م القلب
- ٥٢ بنت جميلة
- ٥٤ من قبل أي حد
- ٥٦ انت بس أيه حتكون
- ٥٨ يا قلبي إهدا
- ٦٠ الدنيا لحظات بتفوت
- ٦٢ زي نجمة تاهت

- ٦٣ طمني عليك
- ٦٥ عيش حياتك
- ٦٧ كل شيء بيتغير
- ٦٩ راضي بنصيبي
- ٧١ اللي يحب
- ٧٢ بنوته حلوة
- ٧٤ صدقني بحبك أكثر
- ٧٦ رحمة ونور للعالمين
- ٧٨ كل ما أشوف الشمس
- ٨٠ بقلبي بادعيلك ياربي
- ٨٢ قلب أمي .. قلب السعد
- ٨٣ اخلص النية لربك
- ٨٥ صدر للمؤلف
- ٨٦ الفهرس

